

學

福

齋

詩

集

學福齋詩集卷十七

雲間 沈大成 學子

百一詩鈔

題具如上人松泉清聽圖

世間世出總成空回首燕城一夢中藕孔從它多變幻
把茆到處足春風

不踏西陵已七年重尋舊雨指華顛風泉清聽何時滿
好憩松陰共問天

午晴往訪近蓬三兄會已它出因見郎君豹兒玉
雪可愛爲詩贈之借書便面留博一笑

春雨初過階沒苔雙扉靜掩未歸來嬌兒四歲能迎客
頓使當街笑口開

丹山雛鳳自清音更愛明曠秋水深我媿詩人李十二
老來思退怕追吟

養素園雜詩爲容大作

結廬散花灘香雪何漫漫月中自去來不知春風寒悠
然與世忘寂寥尋古歡

一鏡入月光空水了不隔鯨魚隊隊游沙際點鷗白靜
思莊惠言烟沉萬山夕

春序漸向闌娛我有新綠數株出前村清陰帶茆屋亂

紅墮晨風畫意媚遠麓

野夫望時雨將以助林園昨夜檐瓦鳴今朝溪石喧淙
琤去不已環淥高枕寒

幽居植嘉樹歲久自成林長日蟬響接涼宵月華深
髮此偶憩應知祛塵心

一雨高梧鳴蕭條天已秋因茲點滴聲佐君亭館幽
卽事亦復佳林外況雙鳩

庭中木樨香此語妙劉安何必大小山乘閑卽來看黃
雪懸不飛秋光滿闌干

梵鐘晨夕鳴星星散林樾能所雨俱遺擊扣亦徒設要

知靜中人默然泯言說

霜染一園赤倚樓秋色多誰知北城隈還同南山阿采
藥拖筇歸婆娑弄朝霞

嚴風卷積雪已沒湖上山晨起嵐光開秦亭意殊閑暢
可泛牒子窈窕水雲間

題汪格齋望沛圖

高田下田龜兆交野夫奔走婦子眇溝車踏動昏連朝
仰天奈此驕陽驕長官禱祠吏謹呶緇黃巫覡羣相嘲
土龍偃蹇顛醜跳毒熱灼人圍明燎先生此時心搖搖
繁露讀破彌焦勞莫謂蒼蒼圖蓋遙精誠之至神可招

筆鋒頓戢早魃妖日藏雷殷雲滔滔四山平沉飛電綃
甘澤旣足炎氣消滿注澮沍溢塘坳

宮中聖人奏箚韶協氣所感首良苗至仁厯鴻宇宙包
豈遺一隅困煩歎畫師繪圖意殊超涼風絹素猶飄蕭
先生在野道何高齒冷文瑜徒折腰廣川長岑文瑜祈
雨不得應休璉作
書戲之

○二月六日南屏焚公招同張仲謀讓山指南兩上
人泛舟甘村看桃花以李詩犬吠水聲中分韻得
聲字

甘村紆而曲紅影低相撐路緣花轉深花與舟若迎是

處交暖風喜值春正晴桑塍雜菜畦橫鋪文錦平高者
重山圍下者方塘縈蜂蝶枝頭翻笠屐林底行花光俯
照水過客顏爲頰攀條弄芳久美人應目成可憐穠李
花春來亦敷榮朱白互爭豔千堆萬堆并倚樓送遙矚
如海一片明老衲空諸相對之生吟情同調得吾友吐
語協韶韻酒筭且追酒引杯聊自傾醕醑不忍去薄暝
紛禽聲

題陳用之常尉詩意圖

孔璋抱好詩橐筆蚤爲客春風鳴暗牕昔夢丹楊

見漢書

驛微月出松間清光了不隔誰拈常尉句爲寫恒河迹

蒼蒼空江潮冥冥荒城夕想見徙倚人冲襟憺寒碧

承張芋村問病歸以詩寄奉酬六首

塵勞漫學維摩詰一病歸來忽暮秋多謝故人相問疾
芭蕉妙喻浣余愁

屈宋微詞補楚風王洪箋注闕芭蒙殷勤投贈非無意
數卷新詩蘭蕙同

貧家雞黍殊難辦濁酒惟傾老瓦盆客去甌觚冰又滿
饑鳥啄食晚來喧

先公妙筆張春水曾屬鯁生一序之自笑遠慚周密在
熏香也讀玉田詞

兄於去秋以先公浣花詞屬序

百八穗珠不離手萬緣放下近如僧惟餘結習除難盡

欲謝丹鉛竟未能

校水經注竟又從事明詩矣

患氣經時尙木平寒窗愁坐轉悵清懷人望遠孤鐙畔
過盡征鴻句不成

荷鋤歌

有序

忍菴劉君居奉賢之南橋里其尊府漢貽先生
孝弟力田教子姓以恭謹有漢萬石君家法凡
渡春申浦至海上者皆指爲積善家忍菴負荷
世澤讀書能文蜚聲庠序仁而友睦嫻而任卹
一門之內接以至性情信乎篤實輝光之君子

有合于載籍稱引者也予繼室于清河而振齋
韋公爲外舅之父之婿忍菴娶於韋以是有葭
苒之連故知之尤詳庚辰秋余自廣陵歸忍菴
以荷鋤圖乞題因爲原本前休牽述今美旣作
長歌復系以此云

君不見漢兒寬帶經而鋤致高官又不見晉陶潛對月
荷之意閑恬人生窮達自有命十年下帷未爲病經經
緯史究天人耘耔歸來翦寒檠明行寺面三女岡滄溟
咫尺天蒼茫蓬萊仙人若可接吾兄之才何汪洋省門
屢踏未見售齒冷跼香翻回臭太行坂底驢長鳴延平

津上龍頻吼經明行脩圭璋姿一日千里會有時奇珍
終當貢天府績學豈肯甘農畦偉矣乎處則慕潛出則
寬先疇舊德方綿綿鋤乎鋤乎利而廢丈夫努力當如
此

張芋村埽雪烹茶圖

名茶人所耽晴雪時最快昔賢陶秀實於此得清意齒
冷黨家姬出言一何鑿徒知眩浮雲遑解辨真味吾友
芋村兄具大圓鏡智脫屣名利場結願清涼地偶寫身
外身幽興託茶事妙思天隨詩雅愛季疵記林居當寒
冬園雪怡新霽縛帚呼阿段瓊瑤埽庭際取投缺脣鐫

煎作連珠沸

用皮襲美句

玉姁有女奴脩嫺得意態嫣然若

微笑羔酒美也未一切本皆空丹青等兒戲君家嗜逃
禪言下不觸背我聞可大師爲法斷左臂願從積雪中
亦究第一義

張習之月下聽泉圖

皎月何漉漉流泉亦潺潺奇石瘦磔卓老樹高鬱嶙開
冬木葉脫風來衆聲乾山林意蕭瑟萬象還其天清河
有才子束髮正妙年曷爲寫此景有意希貞堅十歲治
小學十五紬鴻編二十在轉瞬豐翮摩雲端家世逼華
蓋何難踵集賢所期就鈇規方言曰鈇規裁也于以窮鑽研夜

月無匿影滄溟無停瀾麗澤悅而解兼山靜則安學者
如攻木息息亦應然紛吾與尊府交敦紀羣問偶因觀
圖畫不覺辭連延以規不以諛竊願比瞽言

姚夫人皈心淨域圖

誰移華藏海宛覩阿耨池內有芬陀利四照香葳蕤命
命迦陵鳥柔和音若吹斯爲淨土居人天不敢闕良哉
姚夫人宿因亦已奇服習女史箴蔚爲閨禪師菊椒擅
芳馨冰玉式令儀綺歲好學佛貝葉手自持齋心皈西
方十餘年於茲一月三十日中多茹素時前身妙蓮花
示見乃如斯如月復如鏡如帝青摩尼以此殊相好七

寶莊嚴之尋常丹青筆圖畫何能爲吾將升香界庶拂
珊瑚枝載宣彌陀經高咏關雎詩

王夫人清齋課績圖

吾聞三代時相從勤夜績女紅一月中得四十五日

集韻

廿四職而力切

太君產鼎族宿昔嫺內則爲婦潔蘋蘩爲母光

褱翟老猶率家人堂上督紡織晨朝治苧麻將以供絺
綌十指不知休白日忽西匿況當清秋候處處催刀尺
丁寧戒婢子分陰宜自惜左手旣執燭右手還折剋爰
有大家風亦得慈氏力梭伽百八句穗珠轉不息清齋
屏塵根忉利了無隔誰圖壽者相用以式巾幘吾爲矢

歌詩徵嫩彰女德

邵西樵問字圖

江東儒者邵夫子研窮石經貫籀史確守舊執埽野言
敝業近禮乃如此泐泐珠溪涓名園實面之疏泉疊石
蔣花木澱山聚景景最奇平生足迹半天下所至負笈
紛相隨任城夙推作學海高密咸仰爲經師櫟括繩墨
歸一是偶然奮筆奔雄辭諸公貴人競倒屣雁羔束帛
鴻聲馳歸卽精舍自教授弟子著錄一一圭璋姿隴西
李生爲圖畫丹青揮霍出新意眼中突兀起崇山耳畔
依稀接清籟坐移勝境入柔毫縮地別有神奇在先生

冲夷獨擁皐比右侍快聳左趨佳兒魚魚諸生樂羣切

劇或挾策問難或題襟賦詩或酌水滌硯

劇舉朱切音拘詩小雅賓

載手仇注仇讀曰斟

或潑墨臨池或拈花有省或執卷若思或倚

危石坐或翳孤松嬉童冠數之得廿二六學分治古亦

希謂是杏壇徒槐市生先生謙讓不敢居其名東陵故

侯青門外英雄聊復鑽穴故紙以文鳴朝出携長鑱莫

歸對短檠肴核百氏洞神愔网羅諸子搜元精雜賦古

辭吐奇語風雲律呂諧韶醴酒酣淋漓起作篆斯喜一

字寶連城大匠之旁無枉材門人日親蟻術盈河汾講

學道風盛上佐

國家陶才英君不見漢時卿相皆名儒起家往往由田廬
定年再呼李生至爲寫論經到石渠

雨花菴梅花下作以寫入小窗橫幅分韻得窗字
東雲壓老屋冷香撲幽窗僧爲道人竺客乃居士龐巡
檐意躍躍扶几言縱縱翰墨時間作金石同擊撞詩境
洵最上花事良無雙鐵幹蝕古薜鈿朶綴枯椿根老欲
吞石光寒還浮幢誰爲敷重裯吾更剔殘釭其翳瓊瑤
枝而倒白玉琬遠睇塔鐙耀靜聽譙鼓聲春風厲江雁
夜月吹村厖旣醉策吟筇相攜尋歸艤

學福齋詩集卷十七終

學福齋詩集卷十

雲間賦天賦學子

百一詩鈔

送及門吳芸閣應京兆試卽次留別韻二首

多暇經過數名言
愜古今君才高
鄴下吾老嫗
汾陰斜景移
窗易清尊注
酒深年年舟
乍繫著屐卽相尋

此行登上第足慰九京親
鼓筆千人廢看花五柞春
舊

期堅素業

生亦治漢學

雅尚遠緇塵
頻寄淵雲作
封題託錦

鱗

題徐愚亭畫蘭

嶠南花事已多時依約風前第幾枝每到春來香不斷
烟啼露笑最相思

價重羣芳在素心年年空谷荷鉏尋憑將墨潘爲蘭澤

一葉真須粥一金

閩中市素心
蘭計葉論直

張景梁抱琴圖

漢後顛楷前奉尋能治內學不能琴名師巧士古今有
幾人倡歎逢知音城北張兄定交久蹉跎碌碌不停手
弦以園絲徽以玉雅昶之原自溫厚誰爲和墨寫作圖
山水清冷疑有無伯牙鍾期已淪沒抱琴獨往意何如
前年去客揚州郭十萬腰纏虛跨鶴寄公佗儼土人龔

那識希聲在牛鐸擁爐冬夜淒清時明月垂光嚴霜飛
吾觀此圖起太息幽憤而賦將奚爲君不見蔡中郎曾
鼓五弄傳長楊又不見陳伯玉市中百軸空驚俗吾兄
善琴亦明易六日七分夙探蹟季王簾底無人來雨餘
道濕階沒苔布衣要須見

天子咳唾珠玉生風雷

翠華後歲竚南狩光賁巖穴羣材湊吾兄奏琴更奏書
垂魚會入承明廬

茉莉

暑盛香偏放花開夜未沉最憐芳蕊小恰襯膩雲深熏

使龍涎避

楊誠齋詩龍涎避香雪避花

簪疑麝氣侵

蘇詩暗麝著人簪茉莉

若

教移枕畔更稱美人心

獨向荷開日奇芬午後生采宜初浴罷豔助晚妝成入

坐嫌蘭烈浮杯愛茗清夜香花縱好玉色豈能爭

夜來香同

時夏并名

絕愛吳孃好銀絲綰作球垂垂華鬢繞的的夜珠流鈿

盒臨昏餉香歛隔宿收一叢冰鏡裏低壓玉搔頭

每遇春風避偏當烈日澆香生清夢夜朶減嫩涼宵小

摘堆團扇微聞貫翠翹摩訶池上見應亦為魂消

秋夜卽事和王巢民

闕月檐前墮長河屋頂橫薄寒因雨覺遠夢與愁生壞
壁悽蛩語嚴城起角聲東隣貰有酒一醉忘深更

江耘織急浪回舟圖

西方有聖人以筏喻至道飄然太一仙片蓮泛浩渺虛
舟理可忘夜壑語亦狡此心無所住孤詣越八表淡與
泊相遭江湖猶盆沼履險坦若夷檣檣翻爲擾悠悠塵
世中是處生熱惱憫彼夸毘子抽身苦不早中流求一
壺獲濟蓋已少先生靜者徒妙論參僧肇偶爾狎波濤
可以驚褒詔惺惺王人公性海幾時曉

題江晚香小影

蒼蒼湖上山歷歷烟中樹疎鐘冷南屏憶我舊遊路拊
時成隔塵展卷宛問渡天界出臺端豁若披重霧詩老
與山僧謂玉篴老人大閑情狎鷗鷺文通妙詞賦彩筆
紛麗句幸此客館逢挑燈奇一吐壺榼訂前期暢探巖
壑趣

送惠秉高歸吳

臥疾空齋冷相親賴有君孤鐙臨壁暗急雪隔窗聞感
槩重傷逝蒼茫共論文麗譙悽晚角過雁叫寒雲
不謂春方半念念遽送行青雲男子事白髮故人情此
去風光美況逢江水生畫橋三百六正好聽鶯聲

秋夜讀書圖爲寶應喬梅坡作

耿耿秋燈一粟如幽人抱膝獨繙書不知甕社湖心月
已轉牆東老樹無

碱蛩汀雁語良宵丹墨多情伴寂寥絕愛雨來聽更好
傍牕我欲寫芭蕉

寄題陶蘅川精舍十一首

百城烟水閣

百城在烟水此語譯梵策宛宛秦淮流漁牒輕如葉

深柳讀書堂

最愛沿隄柳春來綠到楹栗留三兩箇閑伴讀書聲

春草池

春草池上生水與花光
沓燒琴偶一彈
穀犬互相答

黃葉廊

脫葉吹墮地
琤若摧琅玕
長廊秋意深
西風增曉寒

光風霽月之堂

春來風最柔
雨後月更皎
此時卷書坐
南山豁林杪

冰雪窩

羣卉畏冰雪
梅花獨與爭
所以素心人
對之吟情盈

平橋

入世鮮夷塗
閉門埽塵迹
畧約亦自佳
娑拖信所適

墻東古栢

駸牟負墻立苔纏左紐文何年移太室白雲猶紛紛

移鐙處

然此無盡鐙佐我圓鏡智齒冷熱惱人心皈發光地

小羅浮

蒔花不厭多況彼園中梅楮衾香夢醒吾憶華首臺

竹梧小隱

有桐枝可栖有竹實可食中藏歸鳥巢文采備五色

次韻何香海留別

相聚不知樂臨分動遠情江光含雨黑林氣得霜清俯

仰成陳迹微茫感正聲西溪梅有信來共放舟行

讀涇縣朱薌林近詩因書爲贈

健筆能扛鼎如君自軼羣北樓千載後重憶謝將軍急
浪催歸楫殘鴉湊去雲相期規正始擷古有奇芬

將行贈別苕溪潘樂園

昨歲重相見今朝又欲分亂帆投遠水一雁叫寒雲妙
墨規羲獻同心訂典墳烏程酒可貰何日慰離羣

聞陳和叔亡爲詩哭之

念舊盈襟淚回思卅載餘

君於雍正庚戌隨侍少章丈脩志金陵余始訂交距今三

十三

不才邀品藻合志攷圖書

君與味經秦司寇及燈

年矣

火丹陽市兒童脩竹廬正當風雪夜分手各歛歔歲暮同舟

而歸至吳乃別所述皆當時情事

一別經時久閩江憶再逢論心傾昔酒洗句到晨鐘棣

萼情同切賢王光岳兄亦同入閩雲山夢自重到今成泡影陳迹

感芙蓉謂府主王樓山先生

宋史嗟淪晦千秋賴有君君曾重脩宋史丹青存直筆衮鉞託

斯文故篋留遺草虛堂冷舊芸有兒傳手澤彪固望承

芬君有三子皆慧

空嘆徵書賁君曾應制科還驚斤獄過君以事牽連入獄僅而得免斯人

竟至此天道復如何滄海填長恨胥江咽逝波可憐抱

孤憤寂寞向山阿

德曜閨中少同心甘蕨薇功名悲馬角辛苦慰牛衣

君配

張夫人閨中張超然先生女賢而才以嬾道聞

斜景依依沒寒霜稍稍飛門人

如議謚猶節古應稀

往年哀惠子

謂松厓三兄

今又哭陳琳書種從茲絕高踪何

處尋魂歸萬里暝星歎少微沉松菊應依舊悲風送笛

音

江上送朱遠仲

執酒客難別鳴橈舟欲行江聲楊子驛帆影寄奴城朋
舊傳風義詩篇見性情敬亭山水何日濯塵纓

與陸重暉表姪渡江作

萬艦橫江下孤舟破曉行
茫茫奔浪急箇箇落鴉輕
北固荒遺壘西津暗去程
故鄉何日到歸客不勝情

曲阿道中

白日荒荒晚黃沙處處堆
正喧漕艘合忽見使輶來

路遇

秦淵泉學士自岷挾江湖轉雲隨野樹回
前村有美酒

閩典試回京

且醉掌中杯

舟行遇大風

江凄憐客滯送我片帆風
過眼征鴻失驚心奔馬同
荒原衰草外古戍夕陽中
不覺虔亭到人聲小市東

舟中生朝

七九今朝度蕭然客舫中年時真過隙身世尙飄蓬斷
飲尊無綠含霜樹有紅閨人應計日聯袂祝東風

舟中望惠山

山色西神好娟娟眉樣青微茫連野樹窈窕入回汀

御宿雲猶繞仙扉苔自屨

山有石門最勝

清歌何處發倦客頓

教醒

過吳示若冰

半載重來此香溪水欲冰妝樓紅日滿書幌翠烟凝看
鏡雄心在扶筇老態增吟情銷已盡空對酒如灑

沙湖

長隄浮一綫萬石臥如麻海氣埋烽堠湖波湧日車猶
傳丞相墓宋文恪
葬此漸見野人家望望維亭近青帘屋角
斜

鹿城寓目

崑山何婉孌吳女最輕盈雲吐一峯秀天連百雉平翠
鬟臨鏡影紅袖出簾聲老覺風懷減無端引客情

綠葭浜

蘇松到此分回首隔吳雲茆屋參差見漁榔動靜聞歸
樵呼野渡去艇逐斜曛向晚西風急紛紛落雁羣

趙屯橋

明趙文華征倭駐師處

荒烟浮野水壁壘已無存此夕孤蓬宿當年萬馬屯時
清銷戰骨天黑泣殤魂此輩真蟲豸功名何足論

將別前一夕示重暉

相顧感飄蓬歸帆趁便風豈無二宿戀猶有一宵同結
契形骸外論心酒殘中文章傳盛業莫但事雕蟲

青浦

人聲喧曉市入耳喜鄉音遠水韉紋細晴山黛色深荒
城綠岸轉古寺隔烟沉絕愛披綿雀晨餐慰客心

鍾賈山

一過此山去雲波自眇然青山環向後紺塔起當前歸
客將千里征途又半年幾時生計遂送老白雲邊

哭潤之從弟

不謂經年別遂成隔世人親朋同慘戚骨肉更酸辛踈
澗青雲志蹉跎白屋身一衿將入地尋憶總沾巾
五十猶虛二寧知去九原自今長抱恨何處可招魂八
口真爲累三冬竟未溫熒熒兒女在慟哭暮天昏
垂老猶爲客何堪汨屢揮浮生雖悟幻門祚轉傷微霜
苦連枝折天寒獨雁飛佗時歸里閨誰再扣荆扉

學福齋詩集卷十八終

學福齋詩集卷十九

雲間 沈大成 學子

竹西詩鈔

壬午臘前二日初憩遺安樓江鶴亭奉宸與同舍
諸子枉詩見贈卽席奉訓

西園一會盡嘉賓竊媿衰庸踵後塵積雪窮陰將入臘
圍爐小院自生春卽看鴻爪成陳迹又把豬肝累故人
江總詩名聞已久風騷推激願扶輪

題江硯農楊柳枝詞

盡攬柔條入彩毫香詞翻出調偏高唱青歌翠篇篇錦

不用春風作剪刀

一番折柳一番愁
葉葉絲絲江上舟
半世天涯牽別恨
把君詩卷淚先流

妝樓處處劉賓客
水調家家白侍郎
從此天街添夜宿
莫移銀漢作紅牆

分明十五女郎腰
逗引吟情慰寂寥
何必詞人呼柳七
尋常一見便魂銷

送堇浦杭太史歸錢塘

驪駒門外繫風雪
惱行人去恰將辭臘
歸應已及春

大

千臘月十七日戒行
廿梅花孤嶼冷柳色
六橋新舊雨

二立春計將抵家矣

如相問縑衣半化塵

謂丁鈍丁吳旣亭大恒讓山兩上人

立春朝江雲溪以詩見投走筆奉酬并邀黃北垞

鮑海門研農同作

一歲難逢兩度春
崇朝香雨却如塵
青尊寂寞寒牕暗
易惹相思是旅人

汪秀峯綿潭山館十首

萬物游元化
長生貴守真
白雲時吐納
消搖成仙人
閒

騎蒼精鹿去謁青童君

葆真堂

多言觸禍幾仁者
握其要赤舌能燒城
招

讀作翹

人古所

謂悠悠本如瓶
惟有守之妙

詞菴

種松空山中婆娑狎羣龍晨夕生古香奔濤欺天風倚
闌未移時一山分衆容

翠香閣

茸茸一片碧幽徑閑相宜誰拖柳栗木踏破雲逶迤莫
似玉川子怪人卷地皮

莓徑

鉛槧俱弋釣墳素爲餽糧金石雜然陳入門墨華香太
一倘下窺奎壁垂寒芒

律素書廳

黃山多白雲飛來常滿樓偶作鸞鳳嘯招彼松喬儔舉
手捫星辰飄然陵滄洲

嘯雲樓

秋江萬點紅野舸一鷗白愛茲烟水多爲埽城市迹編
茨作瓜廬悠然忘主客

蓼陽茨室

松路緣石磴不知白雲深中有息影人於此鳴素琴吾
生苦行役念之豁塵襟

息軒

明月出海底冉冉光初生美人期不來延佇難爲情何
當梯層霄笑挽姮娥行

待月簃

深甃湛寒玉瓶綆鎮相逐莫謂一勺微綠芳彌巖谷故
知補天功并德倚能蓄

澤花腴菜井

小除日程筠榭招同北垞海門集小酉藏書別館
念舊拊今酒懷拉雜得四絕句

時節匆匆又小除鄉愁悵觸更何如閉門正恐驅難去
恰遣籃輿慰索居

筠榭以肩輿來迎

小窗耿耿燭枝紅
數載分張此夕同
滿屋梅花一尊酒
暗傳春信雨聲中

鴻爪偶然留點墨
如何也爲付裝池
摩挲老眼西牕久
凍雀踏殘屋角枝

筠謝以友朋尺牘俱裝小冊

耆舊凋殘感昔游
西冷夢斷幾經秋
最憐二老今難作
風雨年年宿草愁

武林金江聲丈施竹田兄皆君舊也

春夜與春農飲汪對琴齋

京口酒可飲
寧嫌百琰多

對琴出百花酒勸飲

況經隔歲別
喜其

故人過梅影
搖紅燭春陰
洗綠莎同心
招不至頻問夜

如何

時陳對鷗筠謝以事不至

喜戴東原至卽送隨計北上

爲別忽三載相思日幾回頻傳良訊至今見故人來吉
語檐頭鵲寒香屋角梅西隣有美酒不惜倒千杯
曠世才難得如君復幾人高言陵學海精義入經神虎
觀方虛席龍媒自絕塵長安花勝錦看徧萬枝春
黃山雲似海回憶讀書堂壯志橫千里奇懷笑十漿從
今脫塵鞅此去叩天閭一覽中經簿衣沾

御墨香

吾老猶爲客臨分何限情艱難淹逆旅贈澄薄浮名江
柳牽前夢春雲送去程他年車笠誓莫忘遇燕城

寄懷江賓谷

一別經時久年年望遠心雁來七澤少雲入九疑深選
勝應攜屐含情更賦琴玉田詞注好何日惠兼金

君有張玉

田詞注

癸未試鐙前一日鶴亭奉宸招游平山堂探梅以
雪後園林才半樹水邊籬落忽橫枝分韻得雪字
軟風吹我衣宿醉眼猶纈相與陶佳辰卽事皆可悅暖
歲梅信早芳柯已如雪乍辨疎林明漸覺奇境迭漾舟
縱忘遙輟策却虞茶古亭天外浮萬松烟中列晴巒接
娟秀法界入嶮峯

魚列切

徘徊感昔踐飄忽撫急節堂下

花參差堂上香醇秘紅珠紛鋪雲青蛟瘦屈鐵蟻喧半
樹開雀踏數枝折薄暝羣象清夕霏歛巖穴入窗洞開
懸一雁高飛瞥實爵沃渴喉豐膳快饒舌盤跚愴衰孱
諧隱恕嬾劣歸路憩池館長筵喜再設轉使酒懷狂肯
效風景裂沸天簫鼓聲盡舫去連綴夜月兼春鐙倒映
波心徹如入淨琉璃空迹兩超絕何當翻天漿一洗塵
海潔

雨夜硯農移尊梓花軒分賦得歌韻是夕趙損之
舍人亦至

雨潤泥香淑氣和盎然生意在芳柯梅因半坼紅猶小

學而堂詩集卷一
柳爲將眠綠漸多野外一犁看欲徧門前雙屐喜相過
春江從此波如縠好聽吳儂銅斗歌

廣陵踏燈詞同雲谿作

廣陵春色夜尤佳紅豔枝枝盡上街絕愛月痕燈下影
軟香風揭小頭鞵

玻瓈繡幃水光澄珠翠盈頭態不勝爲是新正猶未破
當前雙引有紅燈

鬧蛾簇簇綵繩長傀儡高高壓看場幸得使君吳下去
沸天簫鼓賽燈忙

綵衣街北畫橋東曼衍魚龍照地紅好約隣娃今夜起

直教看到落燈風

張漁川招同趙損之吳充之兩舍人陳對鷗吳葑
田汪對琴諸同學秋雨菴看梅以竹外一枝斜更
好分韻得更字

筍輿出城來逶迤走曲徑喜逢曉色開那慮春泥濘祇
洄萬竹深彌望綠雲亘入門弄瓊姿幾樹冷香迸愛彼
南枝妍耐此北風勁瘦影盤若空老幹偃而橫孤清水
雪含寒峭蝶蜂屏相攜花底行偶向欄邊凭青青隔江
山雨洗轉娟靚斯須進酒炙不覺頽景暝題襟接名流
翦燭發高詠地僻寂無人泠然聞清磬良游踐何遲嘉

會請君更

送程易田之武昌

把臂忻方始何期遽遠行孤帆投鄂渚匹馬去蕪城柳
色依依綠春流處處清戴憑空寄語將送轉含情

東原
去時

曾屬與
兄論學

送硯農歸新安

茱萸灣口送君行望望瓜洲指去程春水方生孤棹發
大江初出數峯迎松楸故里歸營冢槃敦侬鄉待主盟
猶有苔牋堪把贈梅花是處引芳情

贈善奕姜童子

髻歲能棋自性成一經指授卽知名老夫也廢韋昭論
來聽松陰落子聲

春晴過梓花軒分真韻

澹宕晴光已歷旬今年景物倍還人
美花映竹成三迳小院垂簾隔一塵
勝引漸多忘逆旅敝裘初脫稱吟身
辛夷開後溪桃發暢好名園潑眼春

哭若冰十絕句

萬枝燈火喧元夕忽地哀音一紙傳
驚起病中摩老眼不禁雙淚落如泉

說詩敢擬踵毛公婉婉名編弟子中
回憶西泠初問業

十年彈指逐飄蓬

客帆來往卽吳門茗椀香鑪共細論今日尋思皆夢幻
獨聽暮雨坐黃昏

莫訝年來病轉侵三冬文史夜常沉起呼小婢開茶竈
雪積空階一尺深

多生結疾愛瑤華小院風來瘦影斜遮莫香魂消不盡
後身重去作梅花

小像沉香手自熏深閨晨夕禮慈雲罔明出定知何日
清淚空縈貝葉文

滌硯曉窗鸞亥豕然脂昏檠注蟲魚最憐弛擔人初去

啟篋先尋善本書

余每至吳媛必借校本手錄

鯀門老友仰儒宗一序當年元晏同比似流傳斷腸集

曾經品藻紫陽翁

媛南樓吟藁惠徵君松崖爲序

林下風神許玉晨詩筒往復鬪清新歸帆若拂香溪路

遙睇高樓定愴神

王中舍蘭泉夫人

香溪河渚兩才媛玳瑁裝書并及門料得妝臺聞惡耗

也應翦紙爲招魂

武林陳媛如璋亦詩弟子也

畢可亭觀察蕉林揮塵圖

金粟如來是後身

太白句

多生慧業有前因誰爲寫出芭

蕉樹重觀維摩室內人

香板何須晨夕參
嗒然晏坐證瞿曇
朝衫暫脫甘蕉下
便是懷師種紙菴

甲乙奇峯立幾株
綠天掩映白雲俱
晚來暑雨初過後
涼似青羅扇也無

瀟瀟獵獵傍脩廊
客館新抽葉亦長
忽憶西樵山下過

嫩黃輕擘一梳香

嶺南蕉實如
梳而肉黃

暫歸雲間承諸公餞
送卽席賦別

新柳青遮阜筴橋
臨江欲發更停橈
春風雖駛寒仍在
暮雨初晴霧未消
良友暫分猶惜別
前期預約不須招
深杯今夕寧辭醉
瓜步鐘聲又上潮

三月二十八日過吳重哭若冰

饑驅老友已南征

媛父錦川翁于新正往嶺南

白髮慈親揜淚迎燕

子不來妝閣閉梨花一樹冷清清

不歸仙境不生天自向西方結淨緣要識芳心無所住

故應來去一超然

媛未病時夢佩環數女郎迎謂曰姊當來此媛怫然曰我有老親在且歸

亦歸西方耳臨沒神識不亂起坐說偈曰來從梅花來去向蓮花去去來本無心無相亦無住

數卷殘詩半世心鳳臺雖杳尙遺音彌留一語鐫胸臆

死後終當布菰林

媛臨沒以詩集扇爲選刻

靈輜已出銖衣化塵鎖南樓更不還殘日亂雅荒塚冷

不堪西望石湖山

媛殯已先十日攢厝石湖

學福齋詩集卷十九終

學福齋詩集卷二十

雲間 沈大成 學子

竹西詩鈔

硯農惠松蘿茶用東坡和蔣夔寄茶韻謝之

束髮便與茶作緣一水兩水任吾便浙西顧渚閩鄭宅
壑源火前爭芳鮮官私焙法曷足計紅泥小竈先烹泉
比之詩品浩然近若喻禪味謙師圓野夫絕愛陸鴻漸
處士還尋盧玉川橙里先生有同癖茶具往往高堆筵
知我夙與酪奴狎亦知嗜酒聞流涎猶憶南娛梅江口
玉塵香溢船孃研紅裙綠髻捧花乳一彈指頃三十年

歛山雲深品最異大江南北疇居先鑑藏筋裹走千里
頭網遠致須萬錢雨中銀鹿餉二器道寧欲沒雙行纏
無珠可買美姝點有水且呼奚童煎孔常父詩煎點徑
須煩綠珠黃山谷
詩欲買娉婷供煮茗我無一斛明月珠但得數盃潤苦澀底用百戲求巧
妍見清異錄我老媿無五千卷報書切望相規鐫

頃在魏塘查香雨齋中喜遇賢阮天池別後蒙寄

長句依韻奉酬

宿仰高名邂逅新曲闌干外記停輪逢場竿木來吟客

是日曹六
圃亦至

滿案縑緗接古人梅雨一天雖入夏花香四

座尙疑春

齋中瓶
花最盛

白頭把臂還相笑同是僧坊作務身

一幅苔箋雁足飛古香醖醇墨華肥清詞共嘆驚人筆
老淚還教點客衣天池并寄
輓若冰詩高館春風分講席空江積
雨臥閑扉勞君千里傳芳訊乾鵲簷頭噪夕暉

喜晴集筠榭齋分齊韻

積雨忽開霽牆頭鳩罷啼夕陽紅在樹新漲綠平隄打
麥墮村外扶筇過巷西幸逢飲文字肯惜醉如泥

柳花爲項小溪題幀

葉垂垂處態盈盈不分春寒絮欲成憑仗東風勤約束
莫教飛去惹離情

萬花將盡此花開雨濯烟籠知幾回憶向江頭曾瞥見

嫩黃小穗拂人來

有感索雲溪和

十里香堤走鈿車藏春爭說泰娘家豈知一夜西風急
落盡廣陵無限花

蓬山弱水費相思酒冷香銷月上遲珍重才人飛彩筆
寫將哀怨入楊枝

遺清堂納涼有懷鶴亭奉宸同硯農筠榭雲溪賦
今歲炎候早圓蓋行驕陽赫赫猛火聚未暑汗流漿閉
門避熱客晏坐游譯場

近借藥根內典

所賴箴在手安得冰置

賜竭來愛江革

謂雲溪

挈我闌墨莊窈窕轉深徑威遲循

脩廊編席架廣庭織簾垂曲房宛疑墮林樾何異臨滄
浪翛然脫塵垢心地移清涼況復設茗酪方將陳壺觴
一探篋中作載啟桴內藏卷舒發古色吟繹含奇芳象
罔喜得珠海若驚望洋視農出示詩
集非古箋薄暮微風起起看
浮雲翔因念漸江客計日戒舟航
酒載金醴瀧魚鱉
玉肪歸舫拂松寥飲興應更長
郊園菡萏紅遲直利切
吸碧筍香

江聿亭齋集飲晚得涼雨喜與諸君同作

數株嘉樹一亭苔
蘄簾湘簾絕點埃
急雨頓驅煩暑去
好風頻送晚涼來
坐堅寧覺將深夜
酒美何妨定滿杯

況是中田猶望澤旅人懷抱更爲開

榮木軒展舊友手蹟

故楮零紈蝴蝶裝碎金歷綠墨花香感君風義高前輩
我亦相思一夕長

聿亭遺湘竹枕

一枕通中巧削成雲膚玉骨可憐生日長伸脚南牕臥
夢入蕭湘聽雨聲

枰瘤可愛君應寶虎魄難容客正愁好是紬書微倦候
逗人詩思已如秋

鈴馱緇塵憶往時撲緣蠅蝨睡來遲而今也笑馳驅者

醒後黃梁空爾爲

五月晦日與堇浦太史杉亭舍人朱春橋張少華
玉井對鷗筠榭對琴丁鶴洲諸同學過十八峰草
堂以明月松間照清泉石上流分韻得松字

虛堂面積翠奔濤起長松白雲縈其間勢若走羣龍炎
曦匿林表萬象昌且丰娟娟隔江山離立環芙蓉詎知
無邊景盡收一枝筇夷猶不能去微風墮午鐘

聿亭自造平安車屬爲作歌

在昔造車人厥初效轉蓬一器工聚製乃善奚仲垂象
天垣中爲輪爲輶職不失或駕或挽用則同歛路欹軀

如走陸嶺峻厓縣躋運轂先生精思自出奇山行澤行
信所之隻輪兩僕去戚速坐臥食飲無不宜旣弗之嫌
復不折履險如夷忘岌矍竹簾高揭遮炎曦扇慢低垂
卷急雪尋幽選勝意自如泰然何異舟中居欲咀張霸
述百兩更斥尉遲連三車騏驎可却良樂廢君子之繇
慶得與命曰平安狀其德彼區區者藉以蒲先生息影
久埽軌伏軾翺翔亦偶爾葆真御氣馳八區神尻所游
惟詩書

硯農屬題綠蝴蝶畫冊

穿花栖草尋常見葉葉翩翩態不勝我已觀空無夢說

漫牽詩思爲韓憑

舞倦春風倚夕曛野畦閑幔底須分染成一片綠雲綠
妬殺仙人五色裙

吳江張看雲源頭活水圖

恒河設喻何曾覺須向源頭句子尋至竟君家多妙義
隔籬聽處總輸心

物望東南第一流丙丁書部足研求松林精舍周香水
漁弟樵兄作伴游

肯似烟波張志和年年風雨一肩蓑探窮學海無涯涘
孤矢何能策少多

勺水還醺萬頃渠涓涓不絕卽江湖百川輸灌傳家學

兩世奇才壓八儒

南史張率
名家奇才

念佛頌

于亭居士旣寫念佛圖以施龍潭定林菴主又
爲記緣起於幀首其友吳人沈大成合掌作贊

曰

如是我聞音聲王阿彌陀佛相希有厥初示見遮摩題
盡由旬劫無量壽八功德水何洋洋迦陵吉祥來翱翔
中有蓮花萬千億芬陀利含微妙香佛一切時雨甘露
徧周娑婆諸國土能令衆生離染著如砭起痿鍼刺瞽

若佛子等宿根明發三種心佛證盟寶幢幡蓋下空際
天人縑衣羣相迎是惟專脩靜業者卽心卽佛佛卽我
四十八願願無邊良哉妙覺究竟果智慧驚子天所生
接引震旦諸有情遠公晚出弘大法傳宋永明明祿宏
龍潭之墟柳陰旦定林蘭若號殊勝白頭老僧罷羯磨
宴坐念佛呼不應吾友于亭有學人五百長者身前身
偶然歇脚感元契忽省蓮社當年因旣爲寫圖更紀事
三生結習乃如此踏殺江南生馬駒東林剎竿此方起
江山六代嗟無餘道旁香火桑門居戰爭歌舞直兒戲
一聲清楚沉鐘魚

當湖戈達夫帖海歌

柘湖戈侯有書癖家弄金石充屋梁手撫成卷積二百
紫羅縹識璫珣裝我聞古蹟入石始江南李主樓珍藏
鼎臣兄弟精鑒別昇元二年開文房洎宋熙陵官法帖
烜赫內府垂奎章王著寡識仿書雜後來爭辨窮豪芒
元祐大觀相繼出權場磨泐淪滄桑臨江戲魚澹墨妙
潭絳鼎汝傳刻良玉麟星鳳洵可貴賜書甲秀還相望
雲烟過眼易變滅古人神詣終不亡衛恒寶泉孫虔禮
論書挾搥蓋已詳最後堯章暨宏甫拊撫寶墨發奇光
戈侯筆力挽牛弩俯視流輩皆風迹臨古真得古人意

一波一磔態無方上規頡頏逮斯邈下法漢魏包晉唐
吳興漁陽若文董能貫血脈接同堂僂書破體悉刊落
漏痕釵脚奇難量整齊聯綴編萬札束縛排比共一牀
十年辛苦始畢事龍賓虎僕奔趨忙市之何翅半萬券
如珊瑚樹如珠囊方今

廟堂重文翰斗牛光景連戴匡布衣奏篇試臺閣集賢
學士尚書郎曷不齋沐獻

天子逢時吐氣踵歐陽丈夫特患無所挾胡爲栖栖走
路旁

初秋蘭雪堂聽鶴亭譚新安山水之勝分雪字

回颺初延涼斜景尙留熱茶瓜接清言觴酌餞佳節王
人故鄉來幽討洵奇絕爲言探歷妙晴雨咸可悅黃山
高入天漸江紆以折漱壑泉不停抱石雲自結松濤鎮
與俱白月恒承缺雖當盛夏時澗卉耀於雪巨瀑垂長
紳寒欲洗蛭蜺始知神仙居迴與人海別幾時謝塵勞
宿繡窮巖穴引手拂紫烟一一驗君說

淨香園雨集分灰韻

曲榭簾櫳面面開小紅闌外燕飛迴平池風挾萬荷動
遙岼雨隨孤舫來勝地追陪如入畫新秋涼爽好銜杯
前塵猶憶山公賞曾引履綦有綠苔

德水盧雅雨轉運
曾大會詩人於此

集黃氏園林分東韻

一尊又與故人同徙倚名園興不窮穿徑苔痕經雨滑
上樓山色入雲空披襟恰值新涼候譚蓀爭希正始風
秋到竹西秋更好追歡吾獨媿車公

晚晴分微韻

霽日暖平陸西風吹竹扉斷虹穿樹沒輕燕出簾飛雲
淨添秋色江寒攬客衣明當湖上去載酒趁晴暉

夜復雨簡海門

夢轉屋鳴瓦蕭蕭雨又來仍留嘉客住不許畫船開獨
坐繙書帙相尋弄酒杯縱然鄉思切路隔妙高臺

學福齋詩集卷二十終